



Inatsisartuni ilaasortaq Olga P. Berthelsen, Inuit Ataqatigiit  
/Maani

### § 37 tunngavigalugu apeqqummut akissut nr. 2012-063, attartortunik anisitsineq

19. mar 2012  
Sagsnr. 2012-062629  
Dok. Nr. 854906

Asasara Olga

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Aallaqqaasiutigalugu apeqqutigineqartunut, ineqarnermut tunngasut pillugit oqallinnermi nalinginnaasumik maannakkorpiaq pineqarluinnartunut pingaartumillu attartortut pisussaaffiinit pisinnaatitaaffiinnullu tunngateqarluinnartunut qujaffigaakkit.

Uannut pingaaruteqarluinnarpoq erseqqissassallugu attartortut taakkualu ilaqaasa inigisaannit anisitsinissaq imminnermini siunertaanngimmat. Attartortunilli anisitsisariaqaleraangatta tamanna ajorsarnertut isigisarpara.

Tamanna oqaatigereerlugu attartortut ineqarnermut akiliutip piffissaq eqqorlugu akilertarnissaanut pisussaaffeqarput. Ineqarnermut akiliut inissianik ingerlatsinerneq atornerqartarpoq. Missingersuusioreernerup kingorna ineqarnermut akiliutinit isertitat ineqarnermut aningaasartuutinit taamaaqataannik illuatungilerneqartarput. Taamaattumik akisussaaffeqaqataajumanginneruvoq attartortut ineqarnermut akiliutinut akiliinissaminnut akissaqartut ineqarnermut akiliutinik akiliinnginnissartik qineraangassuk.

Namminersorlutik Oqartussat inissiaataannut attartortittakkanut ineqarnermut akiliutissat akilinngitsuukkat ullumikkut 60 mio. koruuninit amerlanerupput. Tassalu tamanna attartortut ataasiakkaat tamarmik immikkut agguaqatigiissillugu 10.000 koruunit missaannik akiitsoqarnerattut naleqarpoq. Inissiani najugaqartut immikkoortortaqaarfiisa isertitassaannit 60 mio. koruunik amigaatigineqarnerat tassani pineqarpoq. Tamatuma kingunerisaanik suliassat 60 mio. koruuninik nalillit kinguartinneqartariaqarput, naggataatigullu akilinngitsuukkat akilersinneqarsinnaanngippata attartortut allat 60 mio. koruunit pineqartut taakkua matussusertussanngussavaat.

Attartortut ineqarnermut akiliisinnaassuseqartut, attartortullu ineqarnermut akiliisinnaassuseqanngitsut isumaginninnermut inatsisit tunngavigalugit ineqarnermut tapiissutinik imaluunniit pisortanit ikiorsiissutinik pisinnaatitaasut immikkoortinnissaat pingaaruteqartorujussuvoq. Aammattaaq inunnik isumaginninnikkut suliniutit ineqarnermut suliassaqaarfikkoortinnagu, isumaginninnermi politikki aqqutigalugu ingerlanneqartarnissaat pingaaruteqartorujussuvoq.

Taamaattumik attartortunut ineqarnermut akiliutissaminnut akiliisinnaassuseqartunut (akiliinnginnissaminnullu qinersisimasunut) ikiorsiinissamik suliniutigineqarsinnaasut isumaginninnikkut tunngasutigut pisassapput. Ineqarnermut politikki erseqqilluinnartuvoq. Ineqarnermut akiliut qaammatit tamaasa akilerneqartassaaq.

Attartortup nammineerluni ineqarnermut akiliutissaminik akiliinera tunngavigalugu imaluunniit isumaginninnermut inatsisit tunngavigalugit kommunimit ikiorsiissutunik tigusaqartarnera tunngavigalugu.

Isumaginninnermut inatsisit inuit inooqataanerminni aningaasaqarnermikkullu ajornartoortunik ikorsiinissaq pillugu pilersinneqarput aqqissuussaallutillu. Kommunit isumaginninnikkut siunnersortinik sulianik suliarinninnissaminnut aamma innuttaasut ataasiakkaat pisortanit ikorsiissutunik tigusaqartarnissamik piginnaatitaaffeqarnermut naliliinissamik piareersimasunik peqarput. Taamaalilluni innuttaasunut sullissiveqarnikkut sinaakkutissat pilersinneqareersimapput, tamatumani innuttaasut saaffiginnissinnaallutik, siunnersorneqarnikkut ikiorserneqarnikkullu isumagineqarsinnaallutik. A/S Inissiaatileqatigiiffik INI, Namminersorlutik Oqartussat inissiaataannik aqutsisusooq, inissianik aqutsinermut allaffeqarfiuvoq, isumaginninnermi siunnersorteqartumik pisortanillu ikiorsiissutunik tunniussinissamut aalajangiisinnaatitaaffeqartumik isumaginninnermut allaffeqarfiunani.

Akerlianik A/S Inissiaatileqatigiiffik INI attartortoq ineqarnermut akiliutinik akiliisimangippat Namminersorlutik Oqartussat inissiaataannik aqutsisutut attartornermut isumaqatigiissutunik atorunnaarsitsisarneq pillugu malittarisassanik eqqortitsisussaavoq. Taamaattumik A/S Inissiaatileqatigiiffik INI akiliinngitsoortoqarsimatillugu nukingisaarutinik attartortunut nassiussisarpoq, taamatullu kommunit isumaginninnermi ingerlatsiveqarfii attartortut ineqarnermut akiliutissaminik akiliisimangitsut pillugit paasissutissinneqartarlutik.

Apeqqutigineqartut imaattunik oqaasertaqarput:

1. Inissianit attartortittakkanit 2010-2011-mut, akiliisinnaagaluarlutik akiliisimanginnertik peqqutigalugu, iniminnit anisitaasut qanoq amerlatigippat?

**AKISSUT:**

A/S Inissiaatileqatigiiffik INI imaattunik paasissutissiissuteqarpoq:

**2010-2011-mi anisitaasut, nuna tamakkerlugu**

Illoqarfik	Anisitaasut 2010	Anisitaasut 2011
Nuuk	17	7
Maniitsoq	11	48
Sisimiut	23	20
Kangaatsiaq	0	3
Aasiaat	21	9
Qasiqianguit	4	1
Ilulissat	13	3
Qeqertarsuaq	3	1
Uummannaq	0	0
Upernavik	0	1
Qaanaaq	0	1
Tasiilaq	1	0
Nanortalik	5	10

<b>Qaqortoq</b>	<b>29</b>	<b>11</b>
<b>Narsaq</b>	<b>8</b>	<b>14</b>
<b>Paamiut</b>	<b>19</b>	<b>0</b>
<b>Katillugit</b>	<b>154</b>	<b>129</b>

2. Inissianit attartortittakkanit 2010-2011-mut, akiliisinnaassuseqannginnertik peqqutigalugu, iniminnit anisitaasut qanoq amerlatigippat?

AKISSUT:

A/S Inissiaatileqatigiiffik INI-p paasissutissiissutigaa anisitsineq aallarnisarneqartinnagu kommunit isumaginninnermi allaffii attartortut ineqarnermut akiliutissaminnik akiliisimangitsut pillugit ilisimatinneqartartut. Taamaattumik pineqartut pisortat ikiorsiissutaannik tigusaqartarnissaminnik piginnaatitaasut aamma tigusaqarnissaat pissusissamisoortutut isigineqarpoq.

3. Naalackersuisut inuit iniminnit anisitaasimasut (arlaannilluunniit peqquteqarpat), qanoq iliuseqarfigineqarnissaat anguniarlugu, anisitsisarnermi malittarisassanik suliaqarniarpat? Suliarineqassappat qanoq imaqartinniarnearpa?

AKISSUT:

Naamik. Inatsisit erseqqilluinnarput. Attartortut ineqarnermut akiliutinik piffissaq eqqorlugu akiliisapput aamma qaammatit tamaasa. Attartortut isumaginninnikkut aningaasaqarniarnermi ajornartorsiuteqarunik attartortut kommunimut, attartortup isumaginninnermi inatsisit tunngavigalugit pisortat ikiorsiissutaannik tigusaqarnissamut piginnaatitaaffeqarnerannik naliliisussamut, saaffiginnissapput. Soorlu taaneqareersoq kommunit isumaginninnermut siunnersortinik sulianik suliarinninnissaminnut aamma innuttaasut ataasiakkaat pisortat ikiorsiissutaannik tigusaqartarnissaminnik piginnaatitaaffeqarnersut nalilissallugit piareersimasunut innuttaasut saaffiginnittarnissaat pingaaruteqarpoq.

Paasissutissiissutigisinnaavara sulianut anisitsinermut tunngasunut atatillugu ilitsersuummik, Namminersorlutik Oqartussat inissiaataannik attartortittakkanik aqutsisumut aqutsinulluunniit pisussaaffiliisussamik, aqutsisoqarfik suliaqassalluni suliniuteqarniarnat. Ilitsersuummi innuttaasut ataasiakkaat pisortanit ikiorsiissutinik tigusaqartarnissaminnik piginnaatitaanersut qulakkeerneqassaaq. Ilitsersuut oqaaseqaateqarfigineqarnissaa pillugu A/S Inissiaatileqatigiiffik INI-mut, Iserit A/S-imut, KANUKOKA-mut aamma Politimestereqarfimmut nassiuqqassaaq.

4. Nuummi angerlarsimaffeqanngitsut ornittagassaat, Naalackersuisut sapaatit akunneri arlaqanngitsut matuma siornatigut nalunaarutigisaat, qaqugu Nuummi atulersinneqassava?

AKISSUT:

Aallaqqaasiutigalugu erseqqissassavara angerlarsimaffeqanngitsunut angerlarsimaffissaq matumani pineqanngimmat, kisannili attartortunut, attartornermut isumaqatigiissummik unioqqutitsinertik pissutigalugu attartukkaminnit anisitaasunut, qitiusumik illusisitseqqiiffissaq pineqarmat. Pineqartoq pillugu kommunimut pilersaarummut ilassutaasussap akuerineqarnissaa apeqqutaatillugu, aamma Namminersorlutik Oqartussat nunaminertamik sanaartornissamullu akuersissummik

tunineqarnissaat apeqqutaatillugu, piffissaq sanaartorfiususaaq ukiup ataatsip iluani pissasoq naatsorsuutigineqarpoq.

5. Sinerissami angerlarsimaffeqanngiffiusuni ornittagaqalersinnaanermut, Nuummi iliuuserineqartut assigalugit, sinerissami arlaanni iliuuseqartoqarniarpa?

AKISSUT:

Nuup avataani qitiusumik illusisitsisarfvimmik pilersitsinissaq maannakkorpiaq pisariaqartinneqanngilaq. Kisianni tamanna pisariaqartinneqalissappat suliniutinik soorunami aallartitsisoqassaaq.

Naggasiutigalugu oqaatigissavara matumani ajornartorsiut maannakkorpiaq atuuttoq pineqarmat, tassa attartortut ataasiakkaat pineqartut ineqarnermut akiliutinut "akileerusussuseqannginnerannik" apeqqummut killeqartinneqanngitsoq. Ineqarnermut suliaasaqarfimmut, isumaginninnermut suliaasaqarfimmut taamatullu akileraartarnermut suliaasaqarfimmut annertuunik allangortiterinissaq pillugu Akileraartarnermut Atugarissaarnermullu Ataatsimiititaliap kaammattuutaannik nalilersuineq potikikkikkut maannakkut ingerlanneqarpoq. Politikkikkut oqallinneq pineqarpoq, kalaallit piunasaqaataat tunngavigalugit aningaasaqarniarnikkut imminut napatissinnaanermut kiisalu uagut inuiaqatigiit aningaasaqarniarnikkut unammilligassanik ornitaqarnitsinnut aallaaveqartoq. Taamaattumik inunnut akiliisinnaassuseqaraluarlutik akiligassiissutinut akiliisussaataanerminnik qimarratiginnittunut, taamalu inoqamminnut allanut naammatassiisartunut, maannakkut akissaqartoqarunnaarpoq.

Taamatut oqaaseqarlunga neriuppunga akissuteqaat naammagisimassagit.

Inussiarnersumik inuulluaqqusillunga

Jens B. Frederiksen